


XV


EPACAST

1537



Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.514







Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.514





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.514




Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.514





1.6.514

1.N. 6























1.6.514







HIERONYMI FRACASTORII  
SYPHILIS,  
SIVE MORBUS GALLICVS.

Romæ, M. D. XXXI. mense Septembri

Non sine Privilegio, multaq; pecuniaria, & excommu-  
nicationis pœna, prout in Privilegijs continetur.





HIERONYMI FRACASTORII  
SYPHILIS  
SIVE MORBUS GALLICUS.

Rome, M. D. XXXI. mense Septembri.

Non per Tribulationem perieritis, sed ex eo  
viciorum genus, prout in Tribulatione continetur.



HIERONYMI FRACASTORII  
SYPHILIS,  
SIVE MORBUS GALLICUS,  
AD P. BEMBUM.



VI casus rerum uarij, quæ se-  
mina morbum

Insuetum, nec longa ulli per  
secula uisum

Attulerint: nostra qui temper-  
state per omnem

Europam, partimq; Asiæ, Libyæq; per urbes

Sæuijt, in Latium uero per tristia bella

Gallorum irrupit: nomenq; à gente recepit.

Necnon & quæ cura, & opis quid comperit usus,

Magnaq; in angustis hominum sollertia rebus:

Et monstrata Deum auxilia, & data munera cœli,

Hinc canere, & longe secretas quærere causas

Acra per liquidum, & uasti per sydera olympi

Incipiam, dulci quando nouitatis amore

Correptum placidi Naturæ suauibus horti

Floribus inuitant: & amantes mira Camœnæ.

Bembe decus clarum Ausoniæ, si forte uacare

Consultis Leo te à magnis paulisper, & alta

Rerum mole finit, totum qua sustinet orbem:

A ij



Et inuat ad dulces paulum secedere Musas:  
Ne nostros contemne orsus, medicumque labore m:  
Quicquid id est, Deus hæc quondam dignatus Apollo est:  
Et paruis quoque rebus inest sua sæpe uoluptas.  
Scilicet hac tenui rerum sub imagine multum  
Naturæ fati quæ subest, & grandis origo.  
Tu mihi, quæ rerum causas, quæ sydera noscis,  
Et cæli effectus uarios, atque æris oras,  
Vranic (sic dum pro puro spectat Olympo:  
Metiris quæ uagi lucentes ætheris ignes:  
Concentu tibi diuino cita sydera plaudant)  
Ipsa ades: & mecum placidas Dea lude per umbras:  
Dum tenues auræ, dum myrtea sylua canenti  
Aspirat, resonatque canis Benacus ab antris.  
Dic Dea quæ causæ nobis post secula tanta  
Insolitam peperere lucem: num tempore ab illo  
Vecta mari occiduo, nostrum peruenit in orbem:  
Ex quo lecta manus soluens de littore Ibero  
Ausu fretum tentare, uagique incognita ponti est  
Aequora, & orbe alio positas perquirere terras:  
Illic namque ferunt, æterna labe per omnes  
Id morbi regnare urbes, passimque uagari  
Perpetuo cæli uulnere, atque ignorare paucis  
Commercine igitur causa accessisse putandum est  
Delatam contagem ad nos: quæ parua sub ipsis



Principijs, mox & uires & pabula sensim  
Suscipiens, sese in terras diffuderit omnes:  
Ut sæpe in stipulas cecidit quum forte fauilla  
De face, neglectam pastor quam liquit in aruo.  
Illa quidem tenuis primum, similisq; moranti  
Incedit: mox ut paulatim increuit eundo,  
Tollitur, & uictrix messem populatur, & agros,  
Vicinumq; nemus: flammâsq; sub æthera iactat.  
Dat sonitum longe crepitans Iouis auiasylua:  
Et cælum late circum, campiâq; relucet.

At uero, si rite fidem obseruata merentur,  
Non ita censendum: nec certe credere par est  
Esse peregrinam nobis, transq; æquora uictam  
Contagem: quoniam in primis ostendere multos  
Possumus, attactu qui nullius hanc tamen ipsam  
Sponte sua sensere luem, primiâq; tulere.  
Præterea & tantum terrarum tempore paruo  
Contages non una simul potuisset obire.  
Aspice per Latij populos, quiq; herbida Sagra  
Pascua, & Ausonios saltus, & Iapygis oræ  
Arua colunt: Specta Tyberis qua labitur, & qua  
Eridanus centum fluijs comitatus in æquor,  
Centum urbes rigat, & placidis interfluit undis.  
Vno nonne uides ut tempore pestis in omnes  
Sæuijt: ut sortem pariter transegimus unam:

A ij



Quin etiam externos eadem per tempora primum  
Excepisse ferunt: nec eam cognouit Ibera  
Gens prius, ignotum quæ scindere puppibus æquor  
Ausâ fuit: quàm quos determinat alta Pyrene,  
Atq; freta, atq; Alpes cingunt, Rhénusq; bicornis:  
Quàm reliqui, quos lata tenet gelida ora sub Arcto.  
Tempore non alio Pœni sensistis, & omnes  
Qui lætam Aegyptum metitis, fecundâq; Nilo  
Arua: & palmiferæ sylvas tondetis Idumes.  
Quæ quum sic habeant sese: nempe altius isti  
Principium labi, rerumq; latentior ordo,  
(Ni fallor) grauiorq; subest, & maior origo.  
Principio quæq; in terris, quæq; æthere in alto,  
Atq; mari in magno, Natura educit in auras:  
Cuncta quidem nec sorte una, nec legibus iisdem  
Proueniunt: sed enim quorum primordia constant  
E' paucis, crebro ac passim pars magna creantur.  
Rarius adt alia apparent, & non nisi certis  
Temporibusue, locisue, quibus uiolentior ortus,  
Et longe sita principia, ac nonnulla, priusquam  
Erum pant tenebris & opaco carcere noctis,  
Mille trahunt annos, spatiosaq; secula poscunt.  
Tanta ui coeunt genitalia semina in unum.  
Ergo & morborum quoniam non omnibus una  
Nascendi est ratio: facilis pars maxima uisu est:



Et faciles ortus habet, & primordia præsto.  
Rarius emergunt alij: & post tempore longo  
Difficiles causas, & inextricabile fatum,  
Et sero potuere altas superare tenebras.  
Sic Elephas sacer Ansonijs incognitus oris,  
Sic Lichen latuere diu: quibus accola Nili  
Genstantum, regioq; omnis uicina laborat.

De genere hoc est dira lues, quæ nuper in auras  
Exijt: & tandem sese caligine ab atra  
Exemit: durósq; ortus, & uincula rupit.  
Quam tamen (æternum quoniam dilabitur æuum)  
Non semel in terris uisam, sed sæpe fuisse,  
Ducendum est: quanquam nobis nec nomine nota  
Hactenus illa fuit, quoniam longæua uetustas  
Cuncta situ inuoluens, & res, & nomina delet:  
Nec monumenta patrum feri uidere nepotes.

Oceano tamen in magno sub sole cadente  
Qua misera inuentum nuper gens incolit orbem,  
Passim oritur: nullisq; locis non cognita uulgo est.  
Vsq; adeo rerum causæ, atq; exordia prima,  
Et cælo uariare, & longo tempore possunt.  
Quodq; illic fert sponte ær, & idonea tellus:  
Huc tandem annorum nobis longa attulit ætas.  
Cuius forte suo si cunctas ordine causas  
Nosse cupis: magni primum circumspecte mundi.



Quantum hoc infecit uitium : quot adiuerit urbes.  
Quumq; animaduertas, tam uastæ semina labis  
Esse nec in terræ gremio, nec in æquore posse:  
Haud dubie tecum statuas, reputesq; necesse est,  
Principium, sedcmq; mali consistere in ipso  
Aëre, qui terras circum diffunditur omnes:  
Qui nobis sese insinuat per corpora ubiq;  
Suetus & has generi iuuentum immittere pestes.  
Aër quippe pater rerum est, & originis auctor.  
Idem sæpe graues morbos mortalibus affert,  
Multimode natus tabescere corpore molli,  
Et facile affectus capere, atq; inferre receptos.  
Nunc uero quonam ille modo contagia traxit,  
Accipe: quid mutare queant labentia secla.

In primis tum Sol rutilus, tum sydera cuncta  
Tellurem, liquidasq; auras, atq; æquora ponti  
Immutant, agitantq; : utq; ipso sydera cælo  
Mutauere uicem, & sedes liquere priores:  
Sic elementa modis uarijs se grandia uertunt.  
Aspice ut hibernus rapidos ubi flexit in Austrum  
Phæbus equos : nostrumq; uidet depressior orbem:  
Bruma riget, duratq; gelu, spargitq; pruina  
Tellurem : & gelida glacie uaga flumina sistit.  
Idem, ubi nos Cancro propior spectauit ab alto,  
Vrit agros, arent nemora, & sitientia prata.

Siccâq;



Siccaq̃ pulueris æstas squallescit in aruis.  
Nec dubium, quin & noctis nitor, aurea Luna,  
Cui maria alta, omnis cui rerum obtemperat humor:  
Quin & Saturni graue sydus, & æquior orbi  
Stella Iouis, quin pulchra Venusq̃, & Martius ignis,  
Ac reliqua astra etiam mutant elementa, trahantq̃  
Perpetuum: & late magnos dent undiq̃ motus.  
Præcipue sedem si quando plurimq̃ in unam  
Conuenere: suo uel multum deuia cursu  
Longe alias tenuere uias. hæc scilicet annis  
Pluribus, & rapidi post multa uolumina cæli  
Eueniunt: Dijs fata modis uoluentibus istis.  
Vt uero euenisse datum est: numerumq̃ diesq̃  
Exegere suos, præfixaq̃ tempora fati:  
Proh quanta ærios tractus, salsa æquora quanta,  
Telluremq̃ manent. alibi quippe omnia late  
Cogentur spatia in nubes: cælum imbris omne  
Soluetur: summisq̃ uoluti montibus amnes  
Præcipientes secum syluas, secum aspera saxa,  
Secum armenta trahent: medius pater impete magno  
Aut Padus, aut Ganges super & nemora alta, domosq̃  
Turbidus, æquabit pelago freta lata sonante.  
Æstates alibi magnæ condentur: & ipsæ  
Flumina speluncis flebunt arentia Nymphæ.

B



Aut uenti cuncta inuertent: aut obice clausi  
Excutient tellurem imam, & cum turribus urbes.  
Forsitan ¶ tempus ueniet, poscentibus olim  
Natura, fatisq; Deum, quum non modo tellus  
Nunc culta, aut obducta mari, aut deserta iacebit:  
Verum etiam Sol ipse, nouum (quis credere possit)  
Curret iter: sua nec per tempora diffluet annus.  
Ast insueti æstus, insuetaq; frigora mundo  
Insurgent: & certa dies animalia terris  
Monstrabit noua: nascentur pecudesq; feraq;  
Sponte sua: primaq; animas ab origine sument.  
Forsitan & maiora audens producere Tellus  
Cæumq;, Enceladumq; feret, magnumq; Typhoea,  
Ausuros patrio superos detrudere cælo:  
Conuulsumq; Ossan nemoroso imponere Olympo.  
Quæ quum perspicias: nihil est cur tempore certo  
Admirere, nouis magnum marcescere morbis  
Aëra: contagesq; nouas uiuentibus ægris  
Sydere sub certo fieri, & per secula longa.  
Bis centum fluxere anni, quum flammea Marte  
Lumina Saturno tristi immiscente, per omnes  
Auroræ populos, per quæ rigat æquora Ganges,  
Insolita exarsit febris: quæ pectore anhelos  
Sanguineum sputum exagitans (miserabile uisu)



Quarta luce frequens fato perdebat acerbo  
Illa eadam Assyriæ gentes, & Persidos, & quæ  
Euphratem, Tigrimq; bibunt: post tempore paruo  
Corripuit, dicesq; Arabas, mollemq; Canopum,  
Inde Phrygas: inde & miserum trans æquora uecta  
Infecit Latium, atq; Europa sæuijt omni.

Ergo age iam mecum, semper sese æthera circum  
Voluentem, superumq; domos, ardentiaq; astra  
Contemplare: animumq; agitans per cuncta, require  
Quis status illorum fuerit: quæ signa dedere  
Sydera: quid nostris cælum portenderit annis.  
Hinc etenim tibi forte nouæ contagis origo  
Omnis, & euentus tanti uia prima patescet.  
Aspice candentes magni qua Cancer olympi  
Excubat ante fores: & brachia pandit aperta.  
Hinc diræ facies, hinc se diuersa malorum  
Ostendent portenta: una hac sub parte uidebis  
Magna coisse simul radijs ardentibus astra:  
Et coniuratas sparsisse per æra flammæ:  
Flammæ, quas longe tumulo sirenis ab alto  
Prospectans senior uates, quem diæ per omnes  
Cælicolumq; domos duxit, docuitq; futura  
Vraniæ: miseras, inquit, defendite terras  
O superi, insolitam uideo per inania ferri

B ij



Illuuiem: & magnos cœli tabescere tractus.  
Bella etiam Europæ miseræ, bella impia, & agros  
Ausoniæ, passim currentes sanguine cerno.  
Dixit: & illa etiam scriptis uentura notauit.  
Mos superum est, ubi secla uagus sol certa peregit,  
Ab Ioue decerni fata: & cuncta ordine pandi,  
Quæcunq; euentura manent terrasq; polumq;  
Quod tempus quum iam nostris uementibus annis  
Instaret: rerum summus sator, & superum rex  
Iuppiter, acciri socios in rebus agendis  
Saturnum, Martemq; iubet. bipatentia Cancer  
Limina portarum reseat: Dyspatria pandit.  
Conueniunt, quibus est fatorum cura gerenda.  
Impiger ante alios flammis, ferroq; coruscans  
Bellipotens Maiors: animis cui prælia, & arma,  
Vindictæq; manent, & ouantes sanguine cædes.  
Post placidus curru inuectus rex Iuppiter aureo  
Insequitur (ni fata obstant) pater omnibus æquus.  
Postremus, longaq; uia tardatus, & annis  
Falcifer accedit senior: qui haud immemor iræ  
In natum ueteris, nato & parere recusans  
Sæpe etiam cessit retro, & uestigia tor sit,  
Multa minans, multumq; animo indignatus iniquo.  
Iuppiter at solio ex alto, quo se solet uno



Tollere, percenset fata, & uentura resoluit,  
 Multum infœlicis miserans incommoda terræ:  
 Bellâq; fortunasq; uirum, casurâq; rerum  
 Imperia, & prædas, ad apertâq; limina morti:  
 In primis ignota noui contagia morbi:  
 Morbi, qui humanæ nulla mansuescat opis ui.  
 Assensere dei reliqui: concussus olympus  
 Intremuit: tactusq; nouis defluxibus æther.  
 Paulatim aërij tractus, & inania lata  
 Accepere luem: uacuasq; insuetus in auras  
 Marcor ijt: cælumq; tulit contagia in omne.  
 Siue quod ardenti tot concurrentibus astris  
 Cum sole, è pelago multos terrâq; uapores  
 Traxerit ignea uis: qui misti tenuibus auris  
 Corruptiq; nouo uitio, contagia uisu  
 Perrara attulerint: aliud siue æthere ab alto  
 Demissum, late aërias corruerit oras.  
 Quamq; animi haud fallor quid agat, quoue ordine cælū,  
 Dicere, & in cunctis certas perquirere causas,  
 Difficile esse. adeo interdum per tempora longa  
 Effectus trahit: interdum (quod fallere possit)  
 Miscentur fors, & uarij per singula casus.  
 Nunc age non id te lateat: super omnia miram  
 Naturam, & longe uariam contagibus esse.

B ij



Solis nam sæpe arboribus fit noxius aër:  
Et tenerum germen, florumq; infecit honorem.  
Interdum segetem, & sata læta, anniq; labores  
Corripuit: scabrâq; ussit rubigine culmos:  
Et uitiata parens produxit semina Tellus.  
Interdum pœnas animalia sola dedere,  
Aut multa, aut certa ex ipsis. memini ipse malignam  
Luxuriam uidisse anni: multiq; madentem  
Autumnum perflatum austro: quo perditus omne  
Caprigenum genus è cunctis animantibus unum  
Corruit: à stabulis lætas ad pabula pastor  
Ducebat, tum forte alta securus in umbra  
Dum caneret, tenuiq; gregem mulceret aucna:  
Ecce aliquam tussis subito irrequieta tenebat:  
Nec longe mora mortis erat. namq; acta repente  
Circum præcipiti lapsu, reuomensq; supremam  
Ore animam, socias inter moribunda cadebat.  
Vere autem (dictu mirum) atq; æstate sequenti  
Infirmas pecudes, balantumq; horrida uulgus  
Pestis febre mala miserum penè abstulit omne.  
Vsq; adeo uaria affecti sunt semina cœli,  
Et uariæ rerum species: numerusq; uicissim  
Inter mota subest, interq; mouentia certus.  
Nonne uides, quamuis oculi sint pectore anhelò



Expositi mollesq; magis: non attamen ipsos  
Carpere tabem oculos, sed sese immergere in inum  
Pulmonem? & pomis quanquam sit mollior uua:  
Non tamen ijs uitiatur: at ipsa liuet ab uua.  
Nempe alibi uires, alibi sua pabula desunt:  
At alibi mora certa: nec ipsa foramina multum  
Non faciunt, hinc densa nimis, nimis inde soluta.

Ergo contagium quoniam natura, genusq;  
Tam uarium est: & multa modis sunt semina miris:  
Contemplator & hanc, cuius cœlestis origo est:  
Quæ, sicut de sueta, ita mira erupit in auras.  
Illa quidem non muta maris, turbamq; natantum,  
Non uolucres, non bruta altis errantia syluis,  
Non armenta bouum, pecudesue, armentaue equorum  
Infecit: sed mente uigens ex omnibus unum  
Humanum genus: & nostros est pasta sub artus.  
Porrò homine è toto, quod in ipso sanguine crassum  
Et sordens lentore foret, fœdissima primum  
Corripuit, sese pascens uligine pingui.  
Tali se morbus ratione & sanguis habebant.  
Nunc ego te affectus omnes, & signa docebo  
Contagis miseræ. atq; utinam concedere tantum  
Musa queat: tantumq; uelit defendere Apollo.  
Tempora qui longa euoluit, cui carmina curæ:



Hæc multas mouumenta dies ut nostra supersint.  
Forte etenim nostros olim legisse nepotes,  
Et signa & faciem pestis nouisse, iuuabit.  
Nanq̃ iterum, quum fata dabunt, labentibus annis  
Tempus erit, quum nocte atra sopita iacebit  
Interitu data: mox iterum post secula longa  
Illa eadem exurget: cælumq̃ aurasq̃ reuifcet:  
Atq̃ iterum uentura illam mirabitur ætas.

In primis mirum illud erat: quod labe recepta,  
Sæpe tamen quater ipsa suum compleuerat orbem  
Luna prius, quàm signa satis manifesta darentur.  
Scilicet extemplo non sese prodit aperte,  
Vt semel est excepta intus: sed tempore certo  
Declinet: & sensum uires per pabula captat.  
Interea tamen insolito torpore grauari,  
Sponteq̃ languentes animis, & muncra obibant  
Aegrius: & toto segnes se corpore agebant.  
Ille etiam suus ex oculis uigor, & suus ore  
Deiectus color haud læta de fronte cadebat.  
Paulatim caries fœdis enata pudendis  
Hinc atq̃ hinc inuicta locos, aut inguen edebat.  
Tum manifesta magis uitij se prodere signa.  
Nam simul ac puræ fugiens lux alma dici  
Cesserat: & noctis tristes induxerat umbras:

Innatusq̃



Innatusq; calor noctu petere intima suetus  
Liquerat extremum corpus: nec membra fouebat  
Obsita mole pigra humorum: tum uellier artus  
Brachiaq; , scapulæq; , graui , suræq; , dolore.  
Quippe ubi per cunctas ierant contagia uenas:  
Humoresq; ipsos, & nutrimenta futura  
Polluerant. Natura malum secernere sueta  
Infectam partem pellebat corpore ab omni  
Exterius . uerum crasso quia corpore tarda  
Hæc erat, & lentore tenax: multa inter eundum  
Hærebat membris exanguibus, atque lacertis:  
Inde graues dabat articulis extenta dolores.  
Parte tamen leuiore, magisq; erumpere nata,  
Summa cutis, pulsa, et membrorum extrema petebat.  
Protinus informes totum per corpus achores  
Rumpebant: faciemq; horrendam, & pectora fæde  
Turpabant: Species morbi noua: pustula summæ  
Glandis ad effigiem, & pituita marcida pingui.  
Tempore quæ multo non post ad aperta dehiscens,  
Mucosa multum sanie, taboq; fluebat.  
Quin etiam erodens alte, & se funditus abdens  
Corpora pascebat misere . nam sæpius ipsi  
Carne sua exutos artus squallentiaq; ossa  
Vidimus, & fædo rosa ora dehiscere hiatu,

C



Ora, atq; exiles reddentia guttura uoces.  
Tum sæpe aut cerasis, aut Phyllidis arbore tristi,  
Vidisti pinguem ex udis manare liquorem  
Corticibus: mox in lentum durefcere gummi.  
Haud secus hac sub labe sotet per corpora mucor  
Diffluere: hinc demum in turpem concrefcere callum.  
Vnde aliquis uer ætatis, pulchramq; iuuentam  
Suspirans, & membra oculis deformia toruis  
Prospiciens, fædosq; artus, turgentiaq; ora,  
Sæpe Deos, sæpe Astra miser crudelia dixit.  
Interea dulces somnos, noctisq; soporem  
Omnia per terras animalia fessa trahebant:  
Illis nulla quies aderat: sopor omnis in auras  
Fugerat: ijs oriens ingrata Aurora rubebat.  
Iis inimica dies: inimicaq; noctis imago.  
Nulla ceres illos, Bacchi non ulla iuuabant  
Munera: non dulces epulæ: non copia rerum:  
Non urbis, non ruris opes, non ulla uoluptas.  
Quamuis sæpe amnes nitidos, iucundaq; tempe,  
Et placidas summis quæssissent montibus auras.  
Dijs etiam sparsaq; preces incesasq; templis  
Thura, & diuitibus decorata altaria donis:  
Dij nullas audire preces: donis ue moueri.  
Ipse ego Cænomanum memini qua pingua diues



Pascula Sebina præterfluit Ollius unda,  
 Vidisse insignem iuuenem : quo clarior alter  
 Non fuit, Ausonia nec fortunatior omni:  
 Vix pubescentis florebat uere iuuentæ,  
 Diuitijs, proauisq; potens, & corpore pulchro.  
 Cui studia, aut pernicious equi compefcere cursum:  
 Aut galeam induere, & pictis splendere in armis:  
 Aut iuuenile graui corpus durare palæstra:  
 Venatq; feras agere, & præuerrere ceruos.  
 Illum omnes Olliq; Deæ, Eridaniq; puellæ  
 Optarunt, nemorumq; Deæ, rurisq; puellæ,  
 Omnes optatos suspirauere hymenæos.  
 Forſan & ultores superos neglecta uocauit  
 Non nequicquam aliqua: & votis pia numina mouit.  
 Nam nimium fidentem animis, nec tanta timentem  
 Inuaſit miſerum labes, qua sæuior uſquam  
 Nulla fuit: nulla unquam alijs ſpectabitur annis.  
 Paulatim uer id nitidum, flos ille iuuentæ  
 Diſperijt: uis illa animi: tum squallida tabes  
 Artus (horrendum) miſeros obduxit: & alte  
 Grandia turgebant fœdis abſceſſibus offa.  
 Vlcers (proh Diuum pietatem) informia pulchros  
 Paſcebant oculos, & diæ lucis amorem:  
 Paſcebantq; acri corroſas uulnere nares.

C ij



Quo tandem infelix fato post tempore paruo  
Aetheris inuisas auras lucemq; reliquit.  
Illum Alpes uicinæ, illum uaga flumina flerunt.  
Illum omnes Olliq; Deæ, Eridaniq; puellæ:  
Fleuerunt: nemorumq; Deæ, rurisq; puellæ:  
Sebinusq; alto gemitum Lacus edidit amne.  
Ergo hanc per miseras terras Saturnus agebat  
Pestem atrox: nec sæua minus crudelis & ipse  
Miscebat Maors: coniunctiq; fata ferebat.  
Quippe lue hac nascente, putem simul omnia diras  
Eumenidas cecinisse fera & crudelia nobis.  
Tartareos etiam Barathro (dira omina) ab imo  
Exciuisse lacus, Stygiaq; ab sede laborem,  
Pestemq; horribilemq; famem, bellumq; necemq;  
Dij patrij, quorum Ausonia est sub numine: tuq;  
Tu latij Saturne pater, quid gens tua tantum  
Est merita: an quicquam superest diriq; grauisq;  
Quod sit inexhaustum nobis: ecquod genus usquam  
Auer sum usque adeo cælum tulit: ipsa labores  
Parthenope dic prima tuos: dic funera regum,  
Et spolia, & prædas, captiuq; colla tuorum.  
An stragem infandam memorem, sparsumq; cruorem  
Gallorumq; Italumq; pari discrimine: quum iam  
Sanguineum, & defuncta uirum, defunctaq; equorum



Corpora uoluentem, cristasq; atq; arma trahentem.  
Eridanus pater acciperet rapido agmine Tarrum :  
Te quoque spumantem, & nostrorum cæde tumentem  
Abdua, non multo post tempore, te pater idem  
Eridanus gremio infelix suscepit: & altum  
Indoluit tecum: & flumio solatus amico est.

Ausonia iufelix: en quo discordia priscam  
Virtutem, & mundi imperium perduxit auitum.  
Angulus anæ tui est aliquis: qui barbara non sit  
Seruitia, & prædas, & tristia funera passus:  
Dicite uos, nullos soliti sentire tumultus,  
Vitifери colles, qua flumine pulcher amœno  
Erethenus fluit: & plenis lapsurus in æquor  
Cornibus, Euganeis properat se iungere Lymphis.

O patria, o longum felix, longumq; quicta  
Ante alias, patria o Diuum sanctissima tellus  
Diues opum, fœcunda uiris, lætissima campis  
Vberibus, rapidoq; Athesi, & Benacide lymphæ,  
Erumnas memorare tuas, summamq; malorum  
Quis queat? & dictis nostros æquare dolores,  
Et turpes ignominias, & barbara iussa:  
Abde caput Benace: tuo & te conde sub amne:  
Vidtrices nec iam Deus interlabere Lauros.

En etiam, ceu nos agerent crudelia nulla:



Nec lachrymæ, planctus'ue forent: en dura tot inter,  
Spes latij, spes & studiorum, & Palladis illa  
Occidit. ereptum Musarum é dulcibus ulnis  
Te miserum ante diem crudeli funere Marce  
Antoni, ætatis primo sub flore cadentem  
Vidimus extrema positum Benacide ripa:  
Quam media inter saxa sonans Sacra abluit unda.  
Te ripæ fleuere Athesis: te uoce uocare  
Auditæ per noctem umbræ, manesq; Catulli:  
Et patrios mulcere noua dulcedine Lucos.

Tempestate illa Ausoniam rex Gallus optimam  
Vertebat bello: & Ligurem ditione premebat.  
Parte alia Cæsar ferro superabat, & Igni  
Euganeos, placidumq; Silim, Carnumq; rebellem:  
Et totum luctus Latium, mæror q; tenebat.



HIERONYMI FRACASTORII  
SYPHILIS  
SIVE MORBUS GALLICUS  
LIBER . II .

n Vnc age quæ uitæ ratio quæ cura ad-  
hibenda

Perniciem aduersus tantam: quid tem-  
pore quoque

Conueniat (nostri quæ pars est altera cæpit)  
Expediam: & miranda hominum comperta docebo  
Quippe noua quum re attoniti, multa irrita primum  
Tentassent: tamen angustis sollertia maior  
In rebus, crescens que usu experientia longo  
Euicere: datum que homini protendere longe  
Auxilia: & certis pestem compefcere uinclis:  
Victorem & sese claras attollere in auras.  
Credo equidem & quædam nobis diuinitus esse  
Inuenta: ignaros fatis ducentibus ipsis.  
Nam quâquam fera tempestas, & iniqua fuerunt  
Sydera: non tamen omnino præsentia Diuum  
Abfuit à nobis, placidi & clementia cæli.  
Si morbum insolitum, si dura & tristia bella  
Vidimus, & sparsos dominorum cæde Penates:  
Oppidaq; , incensasq; urbes, subuersaq; regna:



Et templa, & raptis temerata altaria sacris:  
Flumina deiectas si perrumpentia ripas  
Euertere sata: & medijs nemora eruta in undis,  
Et pecora, & domini, correpta q̃ rura natarunt:  
Obsedi q̃ inimica ipsas penuria terras:  
Hæc eadem tamen hæc ætas (quod fata negarunt  
Antiquis) totum potuit sulcare carinis  
Id pelagi, immensum quod circuit Amphitrite  
Nec uisum satis, extremo ex Atlante repostos  
Hesperidum penetrare sinus: Prasum q̃ sub Arcto  
Inspectare alia, prærupta q̃ littora Rhapti:  
Atq̃ Arabo aduehere, et Carmano ex æquore merces  
Auroræ sed itum in populos Titanidis usq̃ est  
Supra Indum, Gangem q̃ supra, qua terminus olim  
Catygare noti orbis erat: superata Cyambe,  
Et dices ebeno, & felices Macere siluæ.  
Deniq̃ & à nostro diuersum gentibus orbem,  
Diuersum cælo, & clarum maioribus astris  
Remigio audaci attigimus ducentibus & Dijs.  
Vidimus & uatem egregium, cui pulchra canenti  
Parthenope, placidus q̃ cano Scæthus ab antro  
Plauserunt, umbra q̃ sacri manes q̃ Maronis.  
Qui magnos stellarum orbis cantauit, & hortos  
Hesperidum, cæli q̃ omnes uariabilis oras.



Te uero ut taceam, atque alios, quos fama futura  
Post mutos cineres, quos & uenientia secla  
Antiquis conferre uolent: at Bembe tacendus  
Inter dona Deum nobis data non erit unquam  
Magnanimus Leo: quo Latium, quo maxima Roma  
Attollit caput alta: paterq; ex aggere Thybris  
Assurgit: Romæq; fremens gratatur ouanti.  
Cuius ab auspiciis iam nunc mala sydera mundo  
Cessere: & læto regnat iam Iuppiter orbe:  
Purâq; pacatum diffundit lumina cœlum.  
Vnus qui erumnas post tot, longosq; labores  
Dulcia iam profugas reuocauit ad otia musas  
Et leges Latio antiquas, rectumq; piûmq;  
Restituit: qui iusta animo iam concipit arma  
Pro re Romana, pro relligione Deorum.  
Vnde etiam Euphrates, etiam late ostia Nili  
Et tantum Euxini nomen tremit unda refusi:  
Atq; Aegæa suos confugit Doris in Isthmos.  
Ergo alij dum tanta canent: dum illius acta  
Inclyta component: dum forte accingeris & tu  
Condere, & æternis uicturum intexere chartis:  
Nos, quos fata uocant haud tanta ad munera: lusus  
Inceptos, quantum tenuis fert musa, sequamur.  
Principio, quoniam affecti non sanguinis una

D



Est ratio, tibi sit morbo spes maior in illo,  
Sanguine qui insedit puro: uerum quibus atra  
Bile tument, & his quoque resultant sanguine uenæ:  
Maior in ijs labor est: pestis quoque tenacius hæret.  
Quare operæ pretium est ualidis atque acribus uti  
Omnibus hos contra, miseris nec parcere membris.  
Quin etiam meliora sibi promittere cuncta  
Ille potest, qui principis nouisse sub ipsis  
Serpentem tacite ualuit per uiscera labem.  
Nanque ubi pasta diu, uires per pabula longa  
Auxerit: & iam se uitium firmauerit intra:  
Heu quantotibi libertas speranda labore est.  
Ergo omnem impendens operam, te opponere paruis  
Principijs: memori quoque animo hæc præcepta reconde.

In primis ego non omni te assuescere cælo  
Exhorter, fuge perpetuo quod flatur ab Austro:  
Quod cæno, immundæque graue est sudore paludis.  
Protenti potius campi mihi liber & agri  
Tractus, & apricis placeant in collibus auræ,  
Et molles Zephyri, pulsusque Aquilonibus ær.  
Hic (iubeo) tibi nulla quies, nulla otia sunt.  
Rumpe moras: agita assiduis uenatibus apros  
Impiger, assiduis agita uenatibus ursos.  
Nec tibi sit labor ærii cursu ardua montis



Vincenti , rapidum in ualles defletere ceruum ,  
Et longa lustrare altos indagine saltus .  
Vidi ego sæpe malum qui iam sudoribus omne  
Finisset : syluisq; lucem liquisset in altis .  
Sed nec turpe puta dextram summittere aratro :  
Et longum trahere incuruo sub uomere sulcum ,  
Neue bidente solum , & duras proscindere glebas  
Et ualida acriam quercum exturbare bipenni:  
Atque imis altam eruere ab radicibus ornum .  
Quin etiam : exercere domi quo te quoque possis :  
Paruam mane pilam uersa mihi , uespere uersa .  
Et saltu , & dura potes exudare palæstra .  
Vince malum : nec te fallat , quod desidis oti  
Assidue desiderium , lætitiq; sequetur .  
Tu læto ne crede : graui ne crede sopori .  
His alitur uitium , & placide sub imagine pacis  
Decipit : è dulciq; trahit fomenta quiete .  
Nec non interea effugito quæ tristitia mentem  
Sollicitant , procul esse iube curasq; , metumq;  
Pallentem , ultricesq; iras , omnemq; Mineruæ  
Addictum studijs animum , sed carmina , sed te  
Delectent , iuenumq; chori , mistæq; puellæ :  
Parce tamen ueneri : mollesq; ante omnia uita  
Concubitus , nihil est nocuum magis , odit & ipsa  
D ij



Pulchra Venus, teneræ contagem odere puellæ.  
Quod sequitur: mictus ratio tibi maxima habēda est:  
Nec sit cura tibi, nēue obseruantia maior.  
Principio, quoscunq; amnes, quascunque paludes,  
Quosque lacus liquidi pascunt, quosq; æquora pisces,  
Omne genus procul amoueo. sunt quos tamen usus  
Liberius, quum res cogit, concedere possit.  
Omnibus his est alba caro, non dura, tenaxq;  
Quos petrae, & fluuiorum aduersamariisq; fatigant.  
Tales nant pelago Phycides, rutilaq; per undas  
Auratae, Gobiq;, & amantes saxea Percæ.  
Talis dulcifluum fluuiorum Scarus ad ora  
Sola saxa inter depastas ruminat herbas.  
Sed neq; quæ stagnis uolucres, quæq; amnibus altis  
Degere amant, liquidisq; cibum perquirere in undis:  
Laudarim. tibi pinguis Anas, tibi crudior Anser  
Vitetur: potiusq; uigil Capitolia seruet.  
Viteturq; graui Coturnix tarda sagina.  
Tu teneros lactes, tu pandæ abdomina Porcæ,  
Porcæ heu terga fuge: & lumbis ne uescere aprinis:  
Venatu quamuis toties confeceris Apro.  
Quin neque te crudus Cucumis, non tubera captent:  
Nēue famem Cinara, Bulbisue salacibus exple.  
Non placeat mihi lactis amor: non usus aceti:



Non famosa mero spumantia pocula baccho.  
Qualia Cynæi colles, campiq; Falerni,  
Et Pucinus ager mittunt: aut qualia nostris.  
Rhetica dat paruo de collibus uua racemo.  
Nempe Sebina magis placeant: dilutæque tellus  
Quæ tulit: & multo domuerunt Naiades amne.  
At tibi si ex horto uictus, mensæque Deorum  
Sunt animo: atq; olerum simplex & inempta uoluptas:  
Non Mentæ uirides, non læta Sisymbria desunt,  
Intybaq; & toto florentes frigore Sonchi.  
Et Sia fontanis semper gaudentia riuis.  
Et Thymbræ suauis, & odoriferæ Calaminthæ.  
Læta Meliphylla, & riguo Buglossus ab horto  
Carpantur: plenisq; ferax Erucula palmis,  
Atq; Olus, atq; Rumex, & salsi gramina Crithmi.  
Ipsa Lupum dumeta ferent. hinc collige primos  
Asparagos: albæ asparagos hinc collige uitis:  
Quum nondum explicuit ramos: umbracula nondum  
Texuit: & uirides iussit pendere corymbos.  
Singula sed longum est, nec percensere necesse.  
Iamq; aliud uocor ad munus. iuuat in noua Musas  
Naturæ nemora Aonijs deducere ab umbris:  
Vnde mihi si non è lauro intexere fronti  
Serta uolent: tantaq; caput cinxisse corona:



At saltem ob seruata hominum tot millia : dignum  
Censuerint quer na redimiri tempora fronde.  
Vere nouo , si quem morbus tenet: aut & in ipso  
Autumno , si firma ætas : si sanuguis abundat:  
Regalem , mediam uē lacerti incidere uenam,  
Proderit : atq; extra fœdatum haurire cruorem.  
Præterea , quocunq; habeat te tempore pestis:  
Corruptum humorem , & contagem educere turpem  
Ne pigeat , faciliq; luem deponere ab aluo.  
Ante tamen ducenda , para : concreta resolue:  
Et crassa attenua : & lentore tenacia frange.  
Ergo Coryciumq; Thymum sit cura , Thymumq;  
Pamphylum , Thymbræ similis qui durior exit:  
Prima tibi coxisse , Lupiq; uolubile gramen ,  
Fœniculumq; , Apiumq; , & amari germina Capni.  
His Polyporum hirtos imitata Filicula cirros  
Additur , & nymphis tangi renuens Adiantus :  
His sterile Asplenium , his piētam Phyllitida iunge.  
Quorum ubi decoctum permultis ante diebus  
Ebiberis : crudumq; humorem incoxeris omnem :  
Tum Scylla medicare acri , & colocyntide amara.  
Helleborog; graui: nec non quæ in littore surgens,  
Qua ludit maris unda , ter euariata colorem,  
Ter flores mutata die , rem nomine signat ,



Herba potens radice : suum cui Zinziber adde :  
Adde etiam angineum Cu cumin, Nabathæa q̃ Thura,  
Myrrham q̃, Bdela m̃ q̃, Hammoniæ q̃ liquorem,  
Et lacrymam Panaceam, & dulci Colchica bulbo.

His actis, si forte tibi frigentia corda.  
Et molles animi fuerint : nec acerba placebit  
In primis tentare : breui q̃ extinguere pestem:  
Sed placidis agere, & per tempora lenibus uti.  
Tum superest tibi cura animum ad fomenta relicta  
Vertere, contagis q̃ ad tenuia semina cæcæ.  
Illa quidem consueta modis inserpere miris.  
Profuerint igitur quæ q̃ exsiccantia, quæ q̃  
Marcori resinosa solent obistere putri.  
Tales sunt Myrrhæ lacrymæ : sunt talia Thura,  
Cedrus q̃, Aspalathus q̃, immortalis q̃ Cupressus,  
Et bene cum calamo spirans redolente Cyperus.  
Ergo nec desint Casia : nec desit amomum,  
Maceriæ, Aggalocum uetibi, nec Cinnama odora.  
Est etiam in pratis illud, iuxta q̃ paludes  
Scordion, omnigenis quod tantum ob stare uenenis,  
Contagis q̃ solet : paruo quærenda labore  
Herba tibi, uiret ipsa comis imitata Chama dryn,  
Flore rubens, referens q̃ Alli cum uoce saporem.  
Aurora nascente huius frondem q̃ comantem



Radicesq; coque: atque haustu te prolue largo.  
Sed neq; carminibus neglecta silebere nostris  
Hesperidum decus, & Medarum gloria Citre  
Sylvarum: si forte sacris cantata Poëtis  
Parte quoq; hac medicam non dedignabere Musam.  
Sic tibi sit semper uiridis coma, semper opaca,  
Semper flore nouo redolens: sis semper honusta  
Per uiridem pomis syluam pendentibus aureis.  
Ergo ubi nitendum est cæcis te opponere morbi  
Seminibus: ui mira arbor Cithercia præstat.  
Quippe illam Citherea, suum dum plorat Adonim,  
Munere donauit multo: & uirtutibus auxit.  
Quorûdam inuentum est. uitrei intra concava uasis,  
Cui collum oblongum est: uenter turgescit in orbem:  
Aut Hederæ folia, aut Ida mittente maniplos  
Diētami, ill yrica mæue Irim, Thamni ue nigrantem  
Radice, aut Inulas coquere. in sublime solutus  
Effertur uapor: & tenuis uacua omnia complet.  
Atq; ubi frigenti occurssit ab aëre uitro:  
Cogitur: & rorem liquidus densatur in u dum:  
Decurritq; uasis per aperta canalìa riuis,  
Destillant aquæ cyathum sub lumina prima  
Luciferi potare iubent, stratisq; parare  
Sudorem: nec certe ab re. uis utilis olli est,

Reliquias



Reliquias morbi tenues dispergere in auras.

Interea si membra dolor conuulsa malignus  
Torqueat : æsypo propera lenire dolorem ,  
Masticinó q̃ oleo : lentum quibus anseris unguen ,  
Emulsum q̃ potes Lini de semine mucum ,  
Narcissumq̃ Inulamq̃ liquentiáq̃ , addere mella ,  
Coryciumq̃ Crocum , & uilem componere Amurcam .  
At fauces , atq̃ ora malus si eroserit Herpes :  
Tange Nitro , & uiridi medicata Aerugine lymphæ :  
Semina inure mala , & serpentem interfice pestem .

Verum ipsos ope non alia consumere Achores .  
Vrentum quam ui poteris , quibus addere debes .  
Pingue aliquid : quod secum intus siccantia portet .  
Hæc eadem & miseros artus si qua ulcera pascunt :  
Tollere , concretosq̃ ualebunt soluere callos .

Si uero aut hæc nequicq̃ tentasse uidebis ,  
Aut uires , animiq̃ ualent ad fortia quæque :  
Nec differre cupis , quin te committere acerbis  
Festines , diramq̃ breui consumere pestem :  
Hinc alia inuenta expediam : quæ tristitia quanto  
Sunt magis , hoc tanto citius finire labores ,  
Erumnasq̃ mali poterunt . quippe effera labes  
Iuret prima tenax , & multo fomite uiuax  
Ne dum se haud uinci placidis & mitibus , at nec

E



Tractari sinit: & mansuescere dura repugnat.  
Sunt igitur Syracem in primis qui, Cinnabarinæ,  
Et Minium, et Stimmi æglomerant, et Thura minuta:  
Quorum suffitu pertingunt corpus acerbo:  
Absumentque luem miseram, & contagia dira.  
At uero & partim durum est medicamen, & acre:  
Partim etiam fallax: quo faucibus angit in ipsis  
Spiritus: eluctansque animam uix continet ægram.  
Quo circa totum ad corpus nemo audeat uti  
Iudice me. certis fortasse erit utile membris:  
Quæ Papulæ informes, Chironiæque ulcera pascunt.  
Argento melius persoluant omnia uiuo  
Pars maior. miranda etenim uis insita in illo est:  
Siue quod id natum est subito frigusque caloremque  
Excipere: unde in se nostrum cito contrahit ignem  
Quodque est condensum, humores dissoluit, agitque  
Fortius: ut candens ferrum flamma acrius urit:  
Siue acres, unde id constat compagine mira,  
Particulæ, nexuque suo uinclisque solutæ  
Introrsum, ut potuere seorsum in corpora ferri:  
Colliquant concreta: & semina pestis murunt.  
Siue aliam uim fata illi, & Natura dedere.  
Cuius & inuentum medicamen munere Diuum  
Digressus referam, quis enim admiranda Deorum



Munera prætereat? Syriæ nam forte sub altis  
Vallibus, umbrosi nemora inter glauca salicti  
Callirhoe qua fonte sonans decurrit amæno,  
Fama est, cultorem Diis sacri agrestibus horti  
Cultorem nemorum, sectatoremq; ferarum  
Ilcealabe grauem tanta, dum molle Cyperum,  
Et casiam, & sylvam late fragrantis Amomi  
Irrigat: hæc orasse Deos, & talia fatum.

Dij, quos ipse diu colui: tuq; optima tristes  
Callirhoe quæ sancta soles depellere morbos:  
Cui nuper ramosa ferens ego cornua cerui  
Aëria uictor fixi capita horrida quercu:  
Dii mihi crudelem misero si tollere pestem  
Hanc dabitis, quæ me afflictat noctesq; diesq;  
Ipse ego purpureas, ipse albas, ueris & horti  
Primitias, uobis uiolas, ego lilia uobis  
Alba legam, primasq; Rosas, primosq; Hiacynthos:  
Vestraq; odoratis onerabo altaria fertis.  
Gramen erat iuxta uiridans, sic fatius, uicæstu  
Fessus erat, uiridi desedit graminis herba.  
Hic dea uicino, quæ se se fonte lauabat,  
Callirhoe liquido ex antro per lubrica musco  
Saxa fluens, inueni dulci blandita susurro,  
Lethæum immisit somnum: & parsiq; sopore

E ij



Graminea in ripa, & Salicum nemus inter opacum:  
Atque illi uisa est sacro se flumine tollens  
In somnis coram esse: pia & sic uoce locuta.  
Il ceu in extremo Diis tandem audite labore  
Cura mei, tibi nulla salus quacunq; uidet Sol  
Speranda est terram magnam super, hoc tibi poenae.  
Dat triuia, & precibus Triuiae exoratus Apollo,  
Ob sacrum iaculo percursus ad flumina Cerum,  
Et nostris affixa tibi capita horrida truncis.  
Nam postquam illa feram exanimem per gramina uidit  
Abscisso capite: & sacro sparsa arua cruore:  
Omnibus ingemuit syluis: dirunq; precata est  
Auctori, oranti Latous tanta sorori  
Affuit: & pestem misero immisere nefandam  
Durus uterq; tibi, quin & quacunq; uidet Sol,  
Interdixit opem, quare tellure sub ima,  
Si qua salus superest, caeca sub nocte petenda est.  
Est specus arboribus tectum, atque horrore uerendum  
Vicina sub rupe, Iouis qua plurima sylua  
Accubat: & raucum reddit coma Cedria murmur.  
Huc, ubi si primis Aurora emittet ab undis  
Ira para: & nigram ipsas in faucibus agnam  
Maestato supplex, atq; Ops tibi maxima, dic, hanc,  
Dic serio, nigram tum Noctem, umbrasq; silentes,



m:  
Vnbraꝝqꝫ Deos ignotaꝝqꝫ numina Nymphas  
Et Thia uenerare , atræ & nidore Cupressi .  
Hic tibi narranti causam , auxiliumqꝫ uocanti  
Haud aberit Dea , quæ cæcæ in penetralia terræ  
Deducat te sancta : & opem tibi sedula præstet .  
Surge age : nec uani species tibi concipe somni .  
Illa ego sum , quæ culta uago per piugua fonte  
Dilabor , Dea uicinis tibi cognita ab undis .  
Sic ait , & se cæruleo cita condidit amne .

Ille autem ut placidus cessit sopor , omnia lætus .  
Accipit , & Nympham precibus ueneratur amicam .  
O sequor , o quocunqꝫ uocas pulcherrima fontis  
Vicini Dea Callirhoe . Tum postera primum  
Exurgens Aurora , suos ubi protulit ortus :  
Monstratum Iouis in silua sub rupibus altis  
Antrum ingens petit : & nigrantem tergora prima ,  
Vestibulo sistit pecudem , magnæqꝫ trementem  
Mactat Opi tibiꝫ , inquit , ego hæc Ops maxima macto .  
Tum Noctem , noctisqꝫ Deas , ignota precatur  
Numina . iamqꝫ simul Thian , atramqꝫ Cupressum  
Vrebat , quum uox terræ reuoluta cauernis  
Longe audita sacras Nympharum perculit aures .  
Nympharum , quibus æra solo sunt condita curæ .  
Extemplo commotæ omnes : ac cæpta reponunt .



Sulforeos forte ut latices , & flumina uiui  
Argenti, mox unde nitens concresceret aurum,  
Tractabant : gelidoq; prementes fonte coquebant.  
Centum ignis spissos radios , centum ætheris usti  
Bis centum concretorum terræq; marisq;  
Miscuerant , nostros fugientia semina uisus.

At Lipare Lipare argenti cui semina & auri  
Cura data , & sacrum flammis adolere bitumen:  
Continuo obscuræ latebrosa per auia terræ  
Ilcea adit : firmansq; animum sic incipit ipsa.

Ilceu ( nanque tuum nec nomen , nec mihi labes  
Ignota est : nec quid uenias ) iam corde timorem  
Exue . nequicquam non te huc carissima mittit  
Callirhoe . tibi parta salus tellure sub ima est .  
Tolle animos : & me per opaca silentia terræ  
Insequere . ipsa adero : & præsentî numine ducam ,  
Sic ait : & se antro gradiens præmittit opaco.  
Ille subit , magnos terræ miratus hiatus ,  
Squallentesq; situ æterno , & sine lumine uastas  
Speluncas , terramq; meantia flumina subter .  
Tum Lipare . hoc quodcumq; patet , q̃ maxima terra est ,  
Hunc totum sine luce globum , loca subdita nocti  
Dii habitant . imas retinet Proserpina sedes :  
Flumina supremas , quæ sacris concita ab antris



In mare per latas abeunt resonantia terras .  
In medio dices Nymphæ : genera unde metalli,  
Aerisq; , argentiq; , aurig; nitentis origo .  
Quarum ego nunc ad te miserans ipsa una sororum  
Aduenio , illa ego : quæ uenas per montis hiantes ,  
Callirhoe haud ignota tuæ , fumantia mitto  
Sulfura . sicibant terra , & caligine tecti .  
Iamq; exaudiri crepitantes sulfure flammæ ,  
Conclusiq; ignes , stridentiaq; æra caminis .  
Hæc regio est late uariis ubi fœta metallis ,  
Virgo ait , est tellus : quorum uos tanta cupido  
Exercet , superas cœli qui cernitis auras .  
Hæc loca mille Deæ cæcis habitamus in antris :  
Nocte Deæ & Tellure satæ : quis munera mille ,  
Mille artes . Studium est aliis deducere riuos :  
Scintillas aliis rimari , & sparsa per omnem  
Semina tellurem flammarum , ignisq; corusci .  
Materiam miscent aliæ : massamq; coëccent  
Obicibus , multa & gelidarum inspergine aquarum .  
Non procul eruptis fumantia tecta caminis  
Aetnæi Cyclopes habent : uersantq; , coquuntq;  
Vulcano stridente , atq; æra sonantia cudunt .  
Læua hæc abstrusum per iter uia ducit ad illos .  
Dextera sed sacri fluminis te sistet ad undam ,



Argento fluitantem undam, uiuôq; metallo  
Vnde salus speranda. & iam aurea tecta subibant,  
Rorantesq; domus spodiis, fuliginēq; atrata  
Speluncas uariæ obductas, & sulfure glauco  
Iamq; lacus late undantes, liquidōq; fluentes  
Argento iuxta astabant: ripasq; tenebant.  
Hic tibi tantorum requies inuenta laborum,  
Subsequitur Lipare: postquam ter flumine uiuo  
Perfusus, sacra uitium omne reliqueris unda.  
Sic fatur. simul argenti ter fonte salubri  
Perfundit: ter uirgineis dat flumina palmis  
Membra super: iuuenem toto ter corpore lustrat  
Mirantem exuias turpes: & labe maligna  
Exutos artus, pestemq; sub amne relictam.

Er go age, quum primum cœli te purior aer  
Accipiet: nitidamq; diem, Soleniq; uidebis:  
Sacra para: & castam suplex uenerare Dianam,  
Indigenasq; Deos, & numina fontis amici.

Sic Virgo: & iuuenem tanto pro munere grates  
Soluentem c̄ nocte ætherias educit in oras:  
Dimittitq; alacrem, atque optata in lumina reddit.

Accepit noua fama fidem: populosq; per omnes  
Prodiit haud fallax medicamen. cœptaq; primum  
Misceri argento fluitanti axungia porcæ,

Mox



Mox etiam Oriciæ simul adiuncta est Terebinthi,  
Et laricis resina ærta. sunt qui unguen equinum  
Vrsinumue adhibent, Bdela, Cedriq; liquo em.  
Nonnulli & Myrrhæ guttas, & mascula Thura  
Adiiciunt: Minium p rubens, & Sulfura uiua.  
Haud uero mihi displiceat, componere si quem  
Trita Melampodia, atque arentem inuenerit Irim,  
Galbanâq; & Lasser graue olens, oleumq; salubre  
Lentisci, atq; olcum haud experti Sulfuris ignem.

His igitur totum oblinere, atq; obducere corpus  
Ne obscœnum, ne turpe puta. per talia morbus  
Tollitur: & nihil esse potest obscœnius ipso.  
Parcetamen capiti: & præcordia mollia uita.  
Tum super & uittas astringe: & Stuppea nocte  
Vellera, dein stratis tegmento imponere multo,  
Dum sudes: fœdâq; fluant per corpora guttæ.  
Hæc tibi bisquinis satis est iterasse diebus.  
Durum erit, at quicquid tulerit res ipsa, ferendum est.  
Aude animis, tibi certa salus stans limine in ipso  
Signa dabit. liquefacta mali excrementa uidebis  
Assidue sputo immundo fluitare per ora:  
Et largum ante pedes tabi mirabere flumen.  
Ora tamen fœda erodent ulcuscula: sed tu  
Lacte fove: & cocto Cytini, uiridisq; Ligustri.

F



Tempore non alio generosi pocula bacchi  
Annuerim sumenda tibi: purumq; Falernum,  
Et Chia, & pateris fumantia Rhetica largis.  
Sed iam age uicinæ uictor gratare saluti.  
Ultima adeſt tibi cura, eadē & placidiſſima: corpus  
Abluere, & luſtrare artus, ac membra piare  
Stœchade, Amaracinisq; comis, & Rore marino,  
Verbenaq; ſacra, & bene olentibus Heracleis.



LIBER .III.

Ed iam me nemora alterius felicia  
mundi,

**S** Externiq; uocant saltus, longe a sso  
nat æquor.

Herculeas ultra metas: et littora lōge

Applaudunt semota. mihi nunc magna Deorum  
Munera, & ignoto deuēcta ex orbe canenda est  
Sancta arbor: quæ sola modum, requiemq; dolori  
Et finem dedit erumnis. age Diua beatum  
Vranie uenerare nemus: crinesq; reuinctam  
Fronde noua, iuuēt in medica procedere palla  
Per latium: & sanctos populis ostendere ramos:  
Et iuuēt haud unquam nostrorum ætate parentum  
Visa prius, nullūe unquam memorata referre.

Vnde aliquis forsan nouitatis imagine mira  
Captus, & heroas & grandia dicere facta  
Assuetus, canat auspicijs maioribus ausas  
Oceani intacti tentare pericula puppes.  
Nec non & terras uarias, & flumina, & urbes,  
Et uarias memoret gentes, & monstra reperta:  
Dimensasq; plagas: alióq; orientia cælo  
Sydera, & insignem stellis maioribus Arcton.

F ij



Nec taceat noua bella: omnemq; illata per orbem  
Signa nouum, & positas leges, & nomina nostra.  
Et canat ( auditum quod uix uenientia credant  
Secula) quodcunque Oceani complectitur æquor  
Ingens, omne, una obitum mensumq; carina.  
Felix, cui tantum dederit Deus, at mihi uires  
Arboris unius satis est, usumq; referre:  
Et quo inuenta modo fuerit: nostrasq; subiauras  
Aduena per tantum pelagi peruenerit æquor.

Oceano in magno, ardenti sub sydere Cancri,  
Sol ubi se nobis media iam nocte recondit,  
Hac ignota tenus, tractu iacet insula longo:  
Hispanam gens inuentrix cognomine dixit:  
Auri terra ferax: sed longe ditior una  
Arbore, uoce uocant patrij sermonis Hyacum.  
Ipsa teres, ingensq;, ingentem uertice ab alto  
Diffundit semper uiridem, semperq; comantem  
Arbuteis syluam folijs, nux parua, sed acris,  
Dependet ramis: & plurima frondibus hæret.  
Materia indomita est: duro & penè æmula ferro  
Robora: quæ resinam sudant incensa tenacem.  
Dissecte color haud simplex, in cortice, lauri  
Exteriore uiret leuor: pars altera pallet  
Buxea: at interior nigro suffusca colore est,



Iuglandemq̃, Ebenumq̃ inter . quod si inde ruberet:  
Iam poterat uarijs æquare coloribus Irim.  
Hanc gens illa colit: studioq̃ educere multo  
Nititur: hac late colles campiq̃ patentes,  
Hac omnis uestitur ager. nec sanctius illis  
Est quicquam, aut potiore usu. quippe omnis in illa  
Spes iacet hanc contra pestem: quæ cœlitus illic  
Perpetua est. ualidos abiecto cortice ramos  
Multa ui tundunt: aut in segmenta minuta  
Elimant: purôq̃ scobes in fonte reponunt,  
Dum bibulas noctemq̃ diemq̃ emaceret humor.  
Inde coquunt . nec non illos ea cura fatigat:  
Vulcano ne forte furens erumpat aquæ uis:  
Et superundantem spumam proiectet in ignes.  
Spuma quippe linunt, si quicquam è corpore toto  
Abscedit: si quicquam ægros depascitur artus.  
Dimidia absumpta, superest quodcunq̃ reponunt  
Diuini laticis. quin & segmenta relicta  
Rursus, ut ante, coquunt, addentes suaueliquens Mel.  
Scilicet hunc unum mensis accedere potum,  
Et lex ipsa iubet gentis, mandatq̃ sacerdos.  
Seruatum at laticem, & decocti pocula primi  
Bina die quaq̃ assumunt, quum surgit abortu  
Lucifer, & sero egreditur quum Vesper olympo.



Nec prius absistunt potu, quàm menstrua cursum  
Luna suum, & totum peragrans perfecit orbem:  
Fraternaſq; iterum conuenerit æmula bigas.  
Interea cæcis se se penetrabilibus abdunt:  
Quo neque uis uenti, non alitus aëris ullus  
Insinuet se se: & gelidis afflatibus obsit.  
Quid mirandum æque memorem super omnia uidet  
Quàm tenuem, quàm magna sibi ieiunia poscant:  
Quippe solet satis esse, ipsum dum corpus alatur:  
Dum superet uita: & tantum ne membra fatiscant.  
Nec tamen ab ne tanta time: sacer illicet haustus  
Ille modo Ambrosiæ, uires reficitq; fouetq;  
Inq; occulta gerit ieiunis pabula membris.  
Nectare ab epoto binas, non amplius, horas  
Imponunt se se stratis: medicamen ut intro  
Large eat: & calido sudorem è corpore ducat.  
Interea uacuas pestis uanescit in auras:  
Et (dictu mirum) apparet iam pustula nulla:  
Iamq; Nomæ cessere omnes: iam fortia liquit  
Membra dolor: primòq; redit cum flore iuuenta:  
Et iam Luna suum remeans noua circuit orbem.  
Quis Deus hos illis populis monstrauerit usus:  
Qui demum & nobis casus, aut fata tulere  
Hos ipsos: unde & sacræ data copia syluæ:



Nunc referam. Missæ quæ situm abscondita Nerei  
Aequora in occasum Solisq; cubilia pinus,  
Littoribus longe patrijs, Calpæq; relictis,  
Ibant oceano in magno: pontumq; secabant  
Ignaræq; uitæ, & longis erroribus actæ.  
Quas circum innumera properantes gurgite ab omni  
Ignota noua mostra maris Nereides uide  
Adnabant: celsas miratæ currere puppes,  
Salsa super pictis uolitantes æquora uelis.  
Nox erat: & puro fulgebat ab æthere Luna,  
Lumina diffundens tremuli per marmora ponti:  
Magnanimus quum tanta heros ad munera satis  
Delectus, dux errantis per cærule classis,  
Luna, ait, ó, pelagi cui regna hæc humida parent:  
Quæ bis ab aurata curuasti cornua fronte  
Curua bis explesti: nobis errantibus ex quo  
Non ulla apparet tellus: da littora tandem  
Aspicere, & dudum speratos tangere portus,  
Noctis honos cæliq; decus Latonia uirgo.  
Audiit orantem Phœbe: delapsaq; ab alto  
Æthere, se in faciem mutat, Nereia quali  
Cymothoe, Clothoq; natant: iuxtaq; carinam  
Astitit: & summo pariter nans æquore satur.  
Ne nostræ dubitate rates: lux crastina terras



Ostendet : fidoq; dabit succedere portu .  
Sed uos littoribus primis ne insistite dudum .  
Vlira fata uocant . medio magna insula ponto  
Est Ophyre . huc iter est uobis : hic debita sedes  
Imperiūq; caput . simul hæc effata , carinam  
Impulit : illa leui cita dissecat æquora cursu .  
Aspirant faciles auræ : Et iam clarus ab undis  
Surgebat Titan : humiles quum surgere colles  
Vmbrosi procul , & propior iam terra uideri  
Incipit . acclamant Nautæ : terramq; salutant :  
Terram exoptatam . tum portu & littore amico  
Excepti , Diis uota piis in littore soluunt :  
Quas satasq; rates , defessaq; corpora curant .  
Inde ubi quarta dies pelago , crepitansq; uocauit  
Vela notus : remis insurgitur : altaq; rursum  
Corripiunt maria : Et læti freta cœrula sulcant .  
Linquitur incerto fluitans Anthyllia ponto ,  
Atque Hagia , atque alta Ammerie , execrataq; tellus  
Cannibalum , & ripa Cyane nemorosa uirenti .  
Protinus innumeræ panduntur turribus altis  
Insulæ oceano in uasto : quas inter . opacis  
Vndantem syluis unam , cursuq; sonantem  
Fluminis aspiciunt : magno qui spumeus alueo  
In mare fulgentes auro subuectat arenas .

Huius



Huius in ora placet pronas appellere puppes .  
Inuitant nemora , & duces è flumine lymphæ .  
Iamq; solo uiridante alacres , ripaq; potui  
In primis terram ignotam , Nymphasq; salutant  
Indigenas , geniumq; loci , tēq; aurifer amnis ,  
Quisquis in arua maris nitida perlaberis unda .  
Tum duram Cererem , & patrii carchesia Bacchi  
Aggere in herbofo expediunt : dein quærere siqui  
Mortales habitent . pars fuluam fluminis undam  
Mirari : mistamq; auro disquirere arenam .  
Forte per umbrosos sylvarum plurima ramos  
Assidue uolitabat auis : quæ picta nitentes  
Cæruleo pennas , rostro uariata rubenti ,  
Ibat natiuo securo per auia luo .  
Has iuuenum manus ut syluas uidere per altas :  
Continuo caua terrificis horrentia bombis  
Aera , & flammiferum tormenta imitantia fulmen  
Corripiunt : Vlcane tuum , dum Theontonas armas ,  
Inuentum : dum tela Iouis mortalibus offers .  
Nec mora : signantes certam sibi quisque uolucrem ,  
Inclusam , salicum cineres , sulphurq; , nitrumq; ,  
Materiam , accendunt seruata in reſte fauilla .  
Fomite correpto diffusa repente furit uis  
Ignea circumſepta : simulq; cita obicerupto

G



Intrusam impellit glandem : uolat illa per auras  
Stridula : & exanimes passim per prata iacebant  
Deiectæ uolucres . magno micat ignibus ær  
Cum tonitru : quo sylua omnis , ripæq; recuruæ  
Et percussa imo sonuerunt æquora fundo.  
Pars auium nemus in densum conterrita , & altos  
Se recipit scopulos , quorum de uertice summo  
Horrendum una canit : (dictu mirabile) & aures  
Terrificis implet dictis : ac talibus infit.

Qui Solis uiolatis aues , sacrasq; uolantes ,  
Hesperij , nunc uos , quæ magnus cantat Apollo ,  
Accipite : & nostro uobis quæ nuntiat ore.  
Vos , quanquam ignari , longum quaesita , secundis  
Tandem parta Ophyræ tetigistis littora uentis.  
Sed non ante noua dabitur summittere terras ,  
Et longa populos in libertate quietos ,  
Moliriq; uerbis , ritusq; ac sacra nouare :  
Quam uos infandos pelagi terræq; labores  
Perpepsi , diuersa hominum post prælia , multi  
Mortua in externa tumuletis corpora terra.  
Nauibus amissis pauci patria arua petetis.  
Frustra alij socios quæretis magna remensi  
Æquora : nec nostro decrunt Cyclopes in orbe.  
Ipsa inter se se uestras discordia puppes



In rabiem ferrumq; trahet : nec sera manet uos  
Illa dies : fœdi ignoto quum corpora morbo  
Auxilium sylua miseri poscetis ab ista :  
Donec pœniteat scelorum , nec plura locuta  
Horrendum stridens densis se se abdidit umbris.  
Ollis ossa rigor subitus percurrit : & omnis.  
Palluit : ac gelida fugit formidine sanguis.  
Tum uero sacras uolucres , Diuosq; precati,  
In primis Solem , & sanctum seruantia lucum  
Numina supplicibus uenerantur a gressu notis:  
Pacem orant: rursumq; Ophyren, fluiuiumq; salutāt.  
Interea è syluis nigrum genus ora comasq; ,  
Ad naues noua turba uirum concurrit inermis  
Pectora nudi omnes , euincti frondibus omnes  
Paciferis : tanta qui celsas mole carinas  
Mirati , uestesq; uirum , fulgentiaq; arma,  
Vix satis expleri possunt: & , ab æthere missi  
Sive homines , sive Heroes sint , sive Deorum  
Numina : adorantum ritu , precibusq; salutant :  
Ante alios ipsum Regem : cui munera læta  
E' ripis collectum aurum , & cerealia dona,  
Et patrios fructus , & mella liquentia portant .  
Vestibus ipsi etiam nostris , & munere multo  
Donati : exceptiq; mero noua gaudia miscent .

G ij



Non aliter, quàm si mensis, dapibusq; Deorum  
Mortalis quisquam adscitus, felixq; futurus,  
Hauriat æternum, cœlestia pocula, nectar.

Ergo ubi amicitiae securos fœdere utrinque  
Firmauere animos: habita & commercia gentis:  
Ipsi inter se se reges in littore læti  
Complexu iungunt dextiras, & fœdera firmant  
Alter gossipio tenui pectusq; femurq;  
Præcinctas, uiridi lumbum pingente Smaragdo:  
Ora niger: iaculo armatur cui dextera acuto:  
Squamosi spoliū sustinet læua Draconis.  
Alter at intexto lænam circumdatus auro:  
Quam subter rutila arma micant: capiti ærea cassis  
Insidet: & pictæ uolitant in uertice cristæ.  
Fulgenti ex auro torques cui candida colla  
Cingunt: atque ensis lateri dependet Iberus.  
Et iam commisti populi, hospitio præcepti,  
Hi tectis domibusq;, altis in nauibus illi,  
Lætitia ludisq; dies per pocula ducunt.

Forte loco lux festæ aderat: Soliq; parabant  
Vltori facere umbroso sacra annua luco.  
Hesperiaq;, Ophiræq; manus conuenerat omnis.  
Hic conualle caua, ripæ uiridantis in herba,  
Selectorum ingens numerus, matresq; uirique



Confusi, plebs atque patres, pueriq; senesq;  
Astabant, animis tristes, & corpora fædi,  
Squallentes crustis omnes, taboq; fluentes.  
Quos circumfusus albenti in ueste sacerdos  
Pura lustrat aqua, & ramo frondentis Hyaci.  
Tum niueum ante aras cædit de more iuuenicum.  
Et iuxta positum pastorem sanguine cæsi  
Respergit: pateraq; rigat. Soliq; potenti  
Ad numeros pæana canit: nec cætera turba  
Non sequitur: mactantq; sues: mactantq; bidentes  
Visceribusq; ueru tottis epulantur in herba.

Obstupuit gens Europæ ritusq; sacrorum,  
Contagemq; alio non usquam tempore uisam.  
At dux multa animo tacitus secum ipse uolutans,  
Hic erat ille, inquit, morbus, (Dij auertite casum)  
Ignotum interpres Phæbi quem dira canebat.  
Tum regem indigenam, (ut sermo fundiq; facultas  
Iam communis erat) cui sint solennia Diuum:  
Scitatur: quid tanta astet conualle sub alta  
Languentum miseranda manus: quid pastor ad aras  
Sacra inter, cæsi respersus sanguine tauri?  
Quem contra, Hesperiaè ò heros fortissime pubis,  
Rex ait, hi gentis ritus: hæc sacra quotannis  
Vltori de more Deo celebramus. origo



Antiquus est: ueteresq; patrum fecere parentes.  
Quoq; si externorum mores, hominumq; labores  
Auduisse iuuat: primæua ab origine causam  
Sacrorum, & pestis miseræ primordia pandam.  
Forsitan Atlantis uestras peruenit ad aures  
Nomen, & ex illo generis longo ordine ducti.  
Hac & nos, longa serie, de stirpe profecti  
Dicimur: heu quondam felix & cara Deum gens:  
Dum cælum colere, & superis accepta referre  
Maiores suenere boni: sed numina postquam  
Contemni cæptum est, luxu fastuq; nepotum:  
Ex illo quæ sint miseros, quantaq; secuta  
Erumna, uix fando unquam comprehendere possem.  
Insula tum prisci regis de nomine dicta  
Ingenti terræ concussa Atlantia motu  
Corruit, absorpta oceano: quem mille Carinis  
Sulcauit toties, terræ regina marisq;.  
Ex illo & pecudes, & grandia quadrupedantum  
Corpora, non ullis unquam reparata diebus  
Aeternum periere, externaq; uictima sacris  
Cæditur, externus nostras cruor imbuunt aras.  
Tum quoque & hæc infanda lues, quæ nostra uidetis  
Corpora depasci: quam nulli, aut denique pauci  
Vitamus: Diuum offensis, & Apollinis ira



De cælo demissa, omnes grassatur in urbes.  
Vnde hæc sacra nouo primum solennia ritu  
Instituere patres quorum hæc perhibetur origo.

Syphilus (ut fama est) ipsa hæc ad flumina pastor:  
Mille Boues: niueas mille hæc per pabula regi  
Alcithoo pascebat oues, & forte sub ipsum  
Solstitium, urebat sumentes Sirius agros:  
Vrebat nemora: & nullas pastoribus umbras  
Præbebant syluæ: nullum dabat aura leuamen.  
Ille gregem miseratus, & acri concitus æstu,  
Sublimem in solem uultus & lumina tollens  
Nam quid Sol te, inquit, rerum patremq; Deumq;  
Dicimus? & sacras uulgus rude ponimus aras?  
Matatōq; Boue, & pingui ueneramur acerra:  
Si nostri nec cura tibi est: nec regia tangunt  
Armenta: an potius superos uos arbitrer uri  
Inuidia: mihi mille niuis candore Iuuenæ,  
Mille mihi pascuntur Oues. uix est tibi Taurus  
Vnus: uix Aries cælo (si uera feruntur)  
Vnus: & armenti custos Canis arida tanti.  
Demensquin potius Regi diuina faceffo:  
Cui tot agri, tot sunt populi: cui lata ministrant  
Aequora: & est superis, ac Sole potentia maior.  
Ille dabit facilesq; auras: frigusq; uirentum



Dulce feret nemorum armentis : æt lumq̃ leuabit,  
Sic fatus , mora nulla , sacras in montibus aras  
Instituit regi Alcuboo : Et diuina facessit.  
Hoc manus agrestum : hoc pastorum cætera turba  
Exequitur : dant thura focis incensa : litantq̃  
Sanguine taurorum : & fumantia viscera torrent.  
Quæ postquam Rex , in solio dum forte sederet  
Subiectos inter populos , turbamq̃ frequentem.  
Agnouit : Diuum exhibito gausus honore,  
Non ullum tellure coli , se uindice , numen  
Imperat , esse nihil terra se maius in ipsa.  
Cælo habitare Deos : nec eorum hoc esse quod infra est.  
Viderat hæc , qui cuncta uidet : qui singula lustrat ,  
Sol pater : atq̃ animo secum indignatus , iniquos  
Iutor sit radios : & lumine falsit acerbo .  
Aspectu quo Terra parens , correptaq̃ ponti  
Aequora , quo tactus uiro subcanduit ær .  
Protinus illuies terris ignota profanis  
Exoritur . primus , regi qui sanguine fuso  
Instituit diuina sacrasq̃ in montibus aras,  
Syphilus , ostendit turpes per corpus Achores .  
Insomnes primus noctes , conuulsaq̃ membra  
Sensit , Et à primo traxit cognomina morbus :  
Syphilidenq̃ ab eo labem dixere coloni .

Et mala



Et mala iam uulgo cunctas diffusa per urbes  
 Pestis erat: Regi nec sæua pepercerat ipsi.  
 Itur ad Ammericen sylua in Cartheside Nympham:  
 Cultricem nemorum Ammericen: quæ maxima luco  
 Interpres Diuum responsa canebat ab alto.  
 Scitantur: quæ causa mali, quæ cura supersit.  
 Illa refert. sprete uos o, uos numina Solis  
 Exercent. nulli fas est se æquare Deorum  
 Mortalem. date thura Deo: & sua ducite sacra:  
 Et numen placate: iras non proferet ultra.  
 Quam tulit, æterna est: nec iam reuocabilis unquam  
 Pestis erit. quicumque solo nascetur in isto:  
 Sentiet. ille lacus Stygius, fatumq; seuerum  
 Iurauit. sed enim, si iam medicamina certa  
 Expetitis: niueam magnæ mactate iuuentam  
 Iunoni: magnæ nigramtem occidite uaccam  
 Telluri. illa dabit felicia semina ab alto:  
 Hæc uiridem educet felici è semine syluam:  
 Vnde salus. simul obticuit: specus intus, & omne:  
 Excussum nemus: & circumsterit horror ubiq;  
 Illi obeunt mandata. sua ipsi altaria Soli  
 Instituunt. niueam Iuno tibi magna iuuentam,  
 Nigramtem Tellus mactant tibi maxima uaccam.  
 Mira edam. (at diuos iuro, & monumenta parentū)

H



Hæc sacra, quam nemore hoc toto uos cernitis, arbor,  
Ante solo nunquam fuerat quæ cognita in isto:  
Protinus è terra uirides emittere frondes  
Incipit: & magna campis pubescere sylua.  
Annua confestim Soli facienda sacerdos  
Vltori noua sacra canit. deducitur ipse  
Sorte data, qui pro cunctis cadat unus ad aram,  
Syphilus. & iam farre sacro, uittisq; paratis  
Purpureo stabatincturus sanguine cultros.  
Tutatrix uetuit Iuno, & iam mitis Apollo:  
Qui meliorem animam miseri pro morte, iuuenem  
Supposuere: feròq; solum lauere cruore.  
Ergo eius facti æternum ut monumenta manerent:  
Hunc morem antiqui primum statuere quotannis  
Sacrorum. ille tuum testatur Syphile crimen,  
Victima uana, sacras deductus pastor ad aras.  
Illa omnis, quam cernis, inops miserandaq; turba  
Tacta Deo est: ueterumq; luit commissa parentum.  
Cui uotis precibusq; pijs numerisq; sacerdos  
Conciliat uates Diuos, & Apollinis iras.  
Lustrati ingentes ramos, & robora sanctæ  
Arboris aduectant tectis: libamine cuius  
Vi mirainfandæ labis contagia pellunt.  
Talibus, atq; alijs tempus per multa trabeant



Diuerſis populi commiſti è partibus orbis.  
Interea Europæ fuerant quæ ad cara remiſſæ  
Littora, iam rursus puppes freta lata remenſæ  
Mira ferunt: late (proh fata occulta Deorum)  
Contagem Europæ cælo crebreſcere eandem:  
Attonitasq; urbes nullis agitare medelis.  
Quin etiam grauior naues it rumor in omnes:  
Illo eodem claſſem morbo, inuenumq; teneri  
Haud numerum exiguum, & totis tabeſcere membris.  
Ergo haud inmemores, diras ceciniſſe uolucres,  
Affore, quum ſylua auxilium poſcatur ab illa:  
Continuo faciles Nymphas, Solemq; precati  
Intacti nemoris ramos, & robora ab alto  
Conuectare parant luco: medicataq; ſumunt  
Pocula, pro ritu gentis. quo munere tandem  
Contagem pepulere feram. quin dona Deorum,  
Haud patriæ obliti, & felicem ad littora ſyluam  
Noſtra iubent ferri: cælo ſi forſitan iſto  
Aſſimilem pellant labem, nec fata ſecundos  
Ipsa negant Zephyros: facilisq; aſpirat Apollo.  
Munera uos Diuum primi accepiſtis Iberi,  
Præſens mirati auxilium: nunc cognita Gallis,  
Germanisq;, Scythiſq;, orbe & gauſa Latino  
Iam nunc Europam uectæ eſt Huſſacus in omnem.

H ij



Salve magna Deum manibus sata semine sacro,  
Pulchra comis, Spectata nouis uirtutibus arbos:  
Spes hominum, externi decus, & noua gloria mundi:  
Fortunata nimis: natam si numina tantum  
Orbe sub hoc, homines inter gentemq; Deorum  
Perpetua sacram uoluissent crescere sylua.  
Ipsa tamen, si qua nostro te carmine Musæ  
Ferre per ora uirum poterunt: hac tu quoq; parte  
Nosceris cœloq; etiam cantabere nostro.  
Si non te Bactra, & tellus extrema sub Arcto  
Non Meroë, Libycisq; Ammon combustus arenis,  
At Latium, at uiridis Benaci ad flumina ripa  
Audiet: & molles Athesi labente recessus.  
Et saterit, si te Tiberini ad fluminis undam  
Interdum leget, & referet tua nomina Bemus.

F I N I S.

CIMPRESSVM ROMAE

apud Antonium Bladum

Asulanum.







## EMENDANDA.

**A.** .iii. a uer. xxxvii. terris . terris . **B.** .iiij. uer. ix.  
 miri . miris : **T** uer. xxxviii. sensum . sensum . **C.** .iii.  
 uer. xxiii. uidtrices . uidtrices . **C.** .iiii. uer. iii. coe  
 pit . coepti . **D.** .ij. uer. xviii. . tristitia . tristitia . **D.**  
 .iii. uer. xliii. decoctum . decoctum . **E.** .i. uer. xii. qui  
 bus . quibus : **E** uer. xxiii. Iuret . Inter : **T** uer. xl.  
 dissoluit . dissoluit : **T** uer. xlv. murunt . inurant . **E**  
 .ij. uer. viii. cerum . ceruum : **E** uer. xxii. Ira . Ire .  
**E** .iii. uer. x. omnia . omina . **E** .iiij. uer. iii. atria .  
 atra . **F.** .ij. uer. xxviiij. subiauras . sub auras . **F** .iiij.  
 uer. vii. . monstra . monstra . **G.** .j. uer. i. apelere .  
 appellere : **E** uer. ij. duces . dulces : **T** uer. xviiij .  
 vulcane . Vulcane : **T** uer. xxxix. noua . nouas














































005690.139

K